

QUESTIO

5

MEDICA.

EAQUE THERAPEUTICA,

PROPOSITA

AB ILLUSTR. AC NOBIL. D. D.

JOANNE-BAPTISTA

GASTALDY,

REGIS CHRISTIANISSIMI CONSILIARIO

Ac Medico ordinario, Medicinæ Doctore, in
Avenionensi Academia Aggregato, ac Professore
Primario.

SUR HAC VERBORUM SERIE

AN PASSIONI HYSTERICÆ

GUTTÆ MONSPELIENSES.


QUAM PRO ALTERO EX PUNCTIS

forte sibi assignatis, Deo duce & auspice Dei parâ
tueri conabitur Nobil. D. JACOBUS PENNIER
DE LONGCHAMP, è loco de Beaumesnil Diœces.
Ebroïcensis apud Normanos Medicinæ Licentiatus
in magna Cancellariæ Aula Palatii Archiepiscopalis
Die. Augusti 1727.



à Septima ad Meridiem.

PRO DOCTORATU.



AVENIONE,

Apud FRANCISCUM JOSEPH. DOMERGUE
Typographum & Bibliopolam 1727.

Superiorum Permissu.

Martin

D. D. DOCTORES
AGGREGATI DISPUTATURI.

Illustr. D. SPIRITUS JOSEPHUS
PARRELY, *Decanus.*

Illustr. D. JOSEPHUS BRUN.

Illustr. D. PHILIPPUS CHARDON.

Illustr. D. FRANCISCUS DU
SUDRE.

Illustr. D. JOSEPHUS GASPAR.
GAUTIER, *Professor Botanicus.*


Illustr. D. FRANCISCUS DE LA
FONT.

Illustr. D. MICHAEL GABRIEL
ARNALDUS PARRELY,
Professor Anatomicus.

Illustr. D. MARCUS ANDREAS
DE LA FONT.

Illustr. D. JOSEPHUS MARTIN.

Illustr. D. JOANNES BAPTISTA
GASTALDY, *Filius.*



ILLUSTRISSIMO
AC NOBILISSIMO VIRO
D.D. FRANCISCO XAVERIO BON

REGI AB OMNIBUS CONSILIIS, BARONI
de Fourques, Domino de Celleneuve, Terrades,
Morrels, Sancti Martini de Pruner, Chaulet, Sancti
Hilarii, Sancti Quintini, & aliorum locorum.

SUPREMI SENATUS MONSPELIENSIS
PRINCIPI.

REGIÆ SCIENTIARUM SOCIETATIS PRÆSIDI
ultimum hoc publicum Doctrinæ suæ
Specimen.

D. D. D.
JACOB. PENNIER DE LONGCHAMP
Medicinæ Licentiatus.



*IRUM. & novum videri posset
hominem longè à te disjunctis-
simum, tibi que hactenus nullo suo
merito notum, id sumere consilii, seu*

A ij

potiùs confidentia , ut amplissimo tuo nomini
 offerat tantulum munus , & si perillustrem
 tuam dignitatem saltem acerrimum tuum
 iudicium non reformidet. At mirum non
 erit haud dubiè iis quibus est aliquid cum
 re litteraria commercii , aut qui tuam
 norunt in litteratos humanitatem , quæ
 profectò tanta est , ut audeat quislibet mu-
 sarum alumnus te convenire , & tibi
 cliens se sistere effeceritque jamdudùm mul-
 tiplex tua eruditio cum generis claritate
 conjuncta , ut apud curiosorum naturæ ob-
 servatorum rempublicam sicut apud The-
 midis cultores teneas principatum. Hinc
 quidquid tibi à Viris in utraque scientia
 prestantibus penditur , non doni sed censûs
 & vectigalis loco habendum est , non mi-
 nori enim dignitate præfulges dum supremi
 Monspeliensis senatûs princeps , Themidis
 pandis oracula , quàm cum Regiæ Scien-
 tiarum Societatis Præses naturæ penetralia
 aperis & scrutaris. Ad Physicæ rupem præ-
 cipites sunt & prærupti aditus , in te faci-
 les & apertos inveniunt ipsius studiosi , pu-
 teumque illum altum in quo naturæ mis-
 teria delitescunt , aquæ pauperem inve-
 nirent multi , nisi largo beneficentia tua
 fonte , perennique Doctrinæ tuæ Scaturigine

ditaretur. Licet enim principum optimatumque plurimorum exemplo in nature studio non præcipuam operam, sed succisivas tantum horas impendas, ex hoc tamen inexhausto natura penu novos quotidie thesauros, novas proferens divitias; unum instar omnium afferam, ingeniosissimum scilicet illud utilissimumque circa sericum aranearum inventum, ex quo non chyrothecas tantum regie majestati dignas & gratas conficere, sed ex ipso varia remedia & guttas illas imprimis celebres Monspelienses parare docuisti, quod non Gallia tantum nostra, sed Germania & universa Europa est demirata, ipseque præ cæteris augustissimus Romanorum imperator imperiali suo Diplomate aureo numismate casareâ effigie ornato, stipato significare dignatus est.

Hic se se offerret ampla laudum materies, Mecænas amplissime, quæ poterit aliquando rerum tuarum scriptores fatigare, ego verò qui parva possum offeroque, magnæ deterere & extenuare non pergam. Cum igitur nihil nisi tenue præbere possim præter officii & obsequii voluntatem hâc unâ laude contentus sum, unumque non in eo tantum sed Physicorum & Medicorum omnium nomine postulo, ut dum supremum quem tanta cum

laude geris , magno totius Oecitania bono ;
magistratum obibis , suffurari te parumpèr
pergas , laboriosis negotiorum curis , nec te
peniteat illas identidem artis nostre deli-
ciis temperare.





DISSERTATIO ACADEMICA.



O M O integer vitæ, Morbis-
que immunis à conditoris ma-
nu vix exiens, divinæ legis im-
memor traditus morbis ac let-

ho fuit. Mulier humanitatis pars altera
ut viro nocentior, sic ad plures dam-
nata morbos : ipsius corporis compages
laxior, animus levior, vita otiosa & exer-
citatione debitâ ut plurimum vacua ,
morbos , mortalium omnium commune
licet stipendium , frequentiores ipsis ac-
cerfunt. Levis aura voluptatis quæ gra-
viditatem præcurrit , brevi in ipsis pro-
ducit syncope , lypothimias, nauseam,
vomitus , stupores , & fugacis pulchri-
tudinis quâ adeò superbiunt jacturam ,
suos habet partus , suos puerperium ,
suos ablactatio, suos mensium suppressio
morbos , verbo dicam cum hyppocrate

Sexcenta sunt adhuc arumna quarum parens est uterus. Præcæteris passionem hystericam feligimus hodiè plurimorum aliorum morborum, ut ita dicam, compendium atque synopsis quæ prothei instar tot varias induit formas, ut inexpertis imponat facilè, qui varia quæ secum trahit symptomata è causis naturalibus deducere nescientes à supernaturali causâ natales ducere clamitant & ad divina tantùm recurrentes præsidia quæ à rerum omnium Domino & conditore creata fuere medicamenta ad ipsius sicut cæterorum morborum curationem respuunt aut ignorant. Sive igitur in passionis hystericæ paroxismo rideant, lachrimentur, misceant seria jocis, rumpant interdùm vincula, tollant & onera athletarum humeris imparia, ingeniosè desipiant, peregrinas effutiant ignotæ linguæ voculas, jaceant veluti inanimes, sine pulsu, voce, spiritu, concutiantur effrenatè, mox horrendos emittant ululatus, aliaque non minùs stupenda insolitaque peragant; in his & similibus nihil est nisi naturale, nihil nisi à Medicinæ præsidiis superabile, quem enim latet quid insana possit fæmina, aut ut cum antiquis Medicinæ proceribus

proceribus loquamur, *quæ portenta suscitare valeat uterus, si ipsi quod sitienter appetit denegetur.*

Verùm ut fateamur quod res est, affectus hic mulieribus adeò proprius & peculiaris non existit quàm viros interdùm afficiat, licet minora tunc secùm trahere soleat symptomata, & mutato nomine affectio hypocondriaca nuncupetur, sed ob supra dictas rationes mulieres longè frequentius atrociusque divexat, & inter morbos mulierum ab antiquis, qui ipsum ab uteri vitiis deducebant, collocatus, à neotericis etiam inter affectus muliebres recensetur, cujus sanè definitionem, imò nec exactam descriptionem ab ipsis etiàm logicæ lectoribus strenuis minimè præberi posse putamus.

Varia ab authoribus fortitur nomina hic affectus, ratione præcipuorum quibus stipatur symptomatum, alii enim suffocationem, epilepsiam uterinam, asthma, strangulatum, ascensionem uteri; &c. Omnes verò communi vocabulo passionem hysteri- cam nuncupant. Incipit ferè semper hic morbus à levi frigoris sensu, vertigine, & visus obscuratione, rugitu, & borborygmis in abdomine, dein succedit abdominis tensio, cum motibus convulsivis in plexibus nerveis mesenterii, uteri vel intestinorum undè ita convelluntur, contor-

quentur , coarctantur interdum & crispantur
 hujus modi partes ut inde foeminae ali-
 quid instar globi in abdomine circumva-
 gari & ad fauces uti dictitant ascendere,
 indeque sibi collum strangulari , uterum-
 que è suo loco dimotum ad palatum assur-
 gere putent , persentiuntur etiam aliquando
 dolores crebri & atroces , nunc lancinan-
 tes , nunc pungentes , nunc rodentes , nunc
 distendentes , modò fixi , modò vagi cum
 insigni appetitûs & virium prostratione, in-
 terdum verò cum vomitu nunc materiae
 acidæ , nunc ingrati saporis à quo insigne
 levamen exurgit, accedunt quoque non nun-
 quam animi deliquia nunc mitiora cum fa-
 ciei tantum pallore in quibus ægræ non
 loquuntur , audiunt tamen adstantium ser-
 mones & susurrus , nunc graviora & diu-
 tius perseverantia in quibus sine pulsu sal-
 tem sensibili; sine voce , sine motu jacent.
 Alvus ferè semper est adstricta quâ laxatâ
 arte vel sponte egregium adest levamen
 præsertim si copiosi simul erumpant flatus ,
 persentitur etiam cordis palpitatio cum
 pulsu raro , parvo , debili, & intermittente ,
 ac laboriosa respiratione ; plurima tandem
 alia superveniunt in hoc affectu sympto-
 mata , nec quidem omnia simul in eadem
 ægrotante, sed nunc majora, nunc pauciora,
 nunc mitiora , nunc graviora , pro varia
 subjecti dispositione, & materiae morbificæ

Majori aut minori copia, aut deteriori qualitate, ut ex dicendis clariùs elucescet.

Cur autem huic affectui magis sint obnoxie mulieres quàm viri, non profectò ab utero, ut imaginantur fæminæ, putarunt antiqui, dictitat imperitum vulgus, cum nec loco dimotus, nec tetrìs malignisque refertus humoribus, sed insons omninò innoxius, & in statu naturali in hocce affectu defunctorum cadaveribus reperiatur, sed ut superiùs innuimus, ex leviori mulierum animo, ex nimia ciborum, & præsertim pravorum ingurgitatione, ex vita otiosa quam in umbra parietum torpescentes degere consueverunt, ex violentioribus & frequentioribus quibus divexantur animi pathematis, & quod pejus adhuc est & frequentius heu nimiùm contingit, quod cupidinis sagittis lædantur facilius, venerisque æstro vividius percellantur, undè fit ut mens concupito objecto intenta nimis reperiatur, & excutiatùr è naturali tranquillitate imaginatio, oscillatio vehementior, commotio diuturnior à cerebro ad organa, ab illis ad illud peragatur, sicque mutuâ communicatione & repercussione mens & corpus afficiantur, æstuet corpus, cæco igne absumatur; in ipso excitentur procellæ corpori perniciosæ, animo funestæ, & ab his aliquando ita immutetur animus, corpusque pervertatur, ut quod natura instituit, ratio moderatur, re-

ligio consecrat, & naturæ tantum deberet
 esse officium, mentis vitium evadat. Quod
 sanè confirmatur ulterius ex eo quod vir-
 gines viro maturæ, & viduæ præ cæteris pas-
 sioni hystericæ sint obnoxiaæ præsertim si
 virorum liberiori gaudeant consortio. Lautè
 & opiparè vivant, & perversa diætâ utan-
 tur, morborum enim plurimorum & passio-
 nis hystericæ fons est ferè perpetuus, & in-
 exhaustus, perversus sex rerum non natura-
 lium usus, & præsertim in mulieribus quæ
 debiliori donatæ temperamento majores &
 & graviores viris, à tali vitio patiuntur func-
 tionum lésiones, quo pacto enim laudabilis
 tot tantorumque eduliorum, intempestivè,
 assumptorum fieri posset digestio, & quem
 latet morem jam dudum apud sexûs utrius-
 que delectum invaluisse ut etiam quod natu-
 râ suâ bonum est pravum reddant perverso
 usu & intemperantiâ; nauseabunda fiunt ip-
 sorum convivium nisi plurimis consent fer-
 culis, justam animalium fructuumque æta-
 tem expectare vulgare nimium est, his vix è
 Matre eductis mensas onerant, ipsis agros,
 hortos, & viridaria vix efformatis spoliant,
 aridetque semper novitas & pretium. Fru-
 strâ legitur in sacris codicibus in escis mul-
 tis erit infirmitas magna, frustra cibi medio-
 critatem ad sanitatem tuendam postulat di-
 vinus senex, ventrique deditos puros non
 gignere Spiritus Galenus edocet, plures ho-

diernâ die subitâ sterni morte confirmat experientia, frustra in medium afferuntur exempla rusticarum mulierum improbo labori deditarum, & parcè viventium quæ longè minoribus morbis & passione hysterica imprimis rariùs laborant, hæc & similia aniles putantur fabulæ, & Medicorû futilia ac importuna dicta. At brevî ipsarû errorem arguunt innumera morborum cohors, ipsaque sæpissimè passio hysterica & cum à rectè instituta diætâ lætos haurire dies noluerint, non sanitatis modo sed formæ egregiæ, sed pulchitudinis quam tantâ arte custodiunt jacturâ plectuntur, brevî perit in ipsis frontis honos, brevî formæ gratia, evanescit citò blanda genarum conditio & quâ parte deberent rubescere vegeti sanguinis loco, purpurisso indigent; partiumque omnium mutua congruaque inter se proportio jam præmaturè immutata vixquè reparabilis reperitur.

Ex frequentibus igitur animi pathematis vitâ deside, otiosâ, & exercitatione debitâ vacuâ, perversoque adeò vitæ instituto innumera suboriri incommoda unumque protheiformem figuram induentem passionem scilicet hystericam mulieres præ cæteris divexare; Quid mirum? Sub pondere vitiosæ digestionis, vitiati inde sanguinis nervorum toni rigidioris vel nimium laxati debent torqueri spasms, cruciari morbis

Convulsivis, colicis divexari doloribus, &c. Spiritusque indè enati effræni & indomiti diras commovere tempestates, cor debet resilire, & tumultuariè moveri, interdùm motu ferè destitui, fluida & imprimis spirituosâ debacchari, modò nimis quiescere undè membrorum subsultus, strangulatus, vertigines, deliria, somnolentiæ, cæteraque non pauca quæ ab eodem fonte procedunt, & ex quibus hujusce affectûs causæ tùm remotæ & antecedentes, tùm conjunctæ seu proximæ facili negotio deduci possunt.

Cum igitur ex vitiata corporis æconomia excitentur in nobis animi affectus, & vicissim ex animi affectibus vitietur eadem corporis æconomia, & in passione hysterica duplex hæc licet inter se adeò distans substantia ut plurimum afficiatur pro causa hujusce affectus antecedente admittere placet animi pathemata frequentiora & violentiora, & perversum sex rerum non naturalium usum; pro causa verò proxima irritationem partium nervearum & irregularem ac interturbatum spirituum motum, seu quod idem est, clarioris doctrinæ causâ tres causarum species huic affectui vulgò locum præbentes stabiliemus, remotissimam scilicet quam reponimus in vitiis digestionis, à quacumque causa procedant, undè chylus crassus, viscidus, & ut plurimum acidus

& austerus exurgit, remotam quam statui-
mus in vitio quod à tali chylo necessario
contrahit sanguis dum ipsi permiscetur, &
proximam quam in particulis quibusdam
acido-acribus fixis partes fibrosas & nerveas
actu pungentibus, & vellicantibus, & libe-
rum ac pacatum spirituum motum inter-
turbantibus, reponimus: ex quo triplici
causarum genere symptomata omnia quæ
passionem hysterica comitantur facile de-
duci posse existimamus.

De Diagnosi hujus affectus pauca dicen-
da veniunt cum in ipsius descriptione sym-
ptomata ipsum stipantia quæ totidem sunt
signa diagnostica præsertim si plura ex ipsis
conjuncta reperiantur fusè attulerimus.

Prognosis verò sic poterit institui. Passio
hysterica in se & rigorosè loquendo peri-
culo vacat, si tamen recurrat frequentius,
si atrocius sæviat, si plura ex suprà recen-
sitis symptomatis secum trahat, si adhibi-
tis sternutatoriis vehementibus, nec sternu-
tet, nec moveatur ægrotans, si animo graviter
& sæpè linguatur, facile excitari nequeat,
& excitata in lypothimiam & syncopen
iterum labatur tunc periculosa censen-
da venit & præsertim si hæc contingant in
prægnante, pariente, aut puerpera.

Ad Curationem quod spectat duplex stat-
tim se se offert instituenda, extra paroxysmū
scilicet & in paroxismo. Extra paroxysmum se-

dulò investigendæ causæ dirum hunc affectum foventes & producentes ut evacuentur, vel ità corrigantur ut prævum amplius nullum producere possint effectum. Si igitur violento quodam animi pathemate torqueatur ægra vel agitetur & ex ipso oriri soleat passio hysterica, ratione & industrià utendum ut vitetur talis animi affectus, removendo objecta omnia à quorum præsentia recrudescere posset, ipsaque procul fugiendo; si objecti cujusdam imagine mens delusa, ipsoque potiri nefas sit vel impossibile, in fuga remedium quærendum; si à nimia & intempestiva ciborum ingurgitatione, victu parciori utendum & digestionis vitia convenientibus remediis emendanda; si à laxiori aut rigidiori nervorum compage, quoniam tale vitium difficilè admodum corrigi potest, tunc rigidiori victus ratione utendum, ne generentur in nobis humores idonei ad tale vitium adaugendum deïn opportuno tempore aquis thermalibus utendum. His semel institutis, adjungenda veniunt remedia digestionem vitiatam & incommoda indè enata corrigere idonea, inter quæ Emetica, Cathartica, aperientia, stomachica, & volatilia convenire existimamus pro variis quæ se se successivè offerunt adimplendis indicationibus; balnea quoque ac diluentia non spernenda, cum enim istud ægotantium genus sit melancholicum,

& melancholici ex Hipp. in tantum curantur in quantum humectantur, ea ratione prædicta ultima optimè convenire putamus. Quoniam verò in paroxismo vehementiori inprimis auxiliares Medici manus postulant ægrotantes, quæ tunc suppeditare possit medicina præsidia inquiramus; quod ut methodicè peragatur ea omnia in medium advocanda quæ fatiscentem sanguinis motum, sopitos & irritos spiritus, motum ipsorum inordinatum vel imminutum, salia fixa nerveas partes vellicantia primarum viarum saburram, si adsit; verbo dicam causas à quibus paroxismus foveatur eradicandas vel corrigendas erit idoneum magis & oportunum: ferè semper emeticum convenire existimamus tum ad evacuandum tum ad succutiendum; deinde liquores spirituosus & volatiles ut adaugeatur humorum motus, ut suscitentur & extricentur spiritus, ut salia fixa dividantur & auferantur; præ cæteris Guttas Monspelienses proponimus utpotè remedium solum è alkalino volatile, palato ingratum minus & nares odore minus graveolenti percellens cæteris ejusdem naturæ spirituosus liquoribus; quod sanè tum solum tum plurimis aliis remediis permixtum interius & exterius præscribi potest; antequam autem progrediamur ulterius necessum omnino putamus remedii nostri compositionem variasque ipsius præparationes præmittere.

Vulgatum est hodiè apud medicos celebres illas guttas Anglicanas ab eruditissimo quondam Martino Lyster Caroli secundi magnæ Britanniae Regis Archiatro adinventas , & à clarissimo quondam pittone Tournefort toto orbe in re præsertim botanica celeberrimo apud Gallos publici juris factas , nihil aliud esse quam spiritum sulphureum volatilem arte chymicâ ex bombycis tunicis extractum ex quibus conficiuntur Guttæ Anglicanæ dictæ. Non minus vulgatum est etiam Nobilissimum & Illustrissimum D. Bon Supremi Senatus Montpelienfis principem & Regiæ scientiarum Societatis Præsidem dignissimum, ex aranearum tunicis similem eduxisse spiritum , & Volatilem adhuc magis ut variis experimentis comprobavit coram eadem regiâ Societate & totius Occitaniae comitiis Die 5^a Decembris 1709. Vulgaruntque deinceps acta eruditorum Galliae, Bataviae, Angliae, Germaniae, & Italiae ; talis autem spiritus volatilis sive ex Bombycis, sive ex araneæ Tunicis eductus potest solus propinari sed cum sit admodum volatilis & facile dissipetur , permiscetur vulgò cum liquoribus aliis , & eâ ratione pro diversa Medici intentione diversi esse possunt liquores hujusmodi ut v. g. Spiritus Cinnamomi , & Cariophyllorum dum opus est alexiteriis , essentiae Ruthæ & Juniperi , si

opus sit hystericis , Laudanum liquidum ; & essentia Castorei si anodina indicentur ; hæc diversæ præparationes vocantur æqualiter guttæ Monspelienses quarum dosis est à gutt. x, ad xx. in pauca vini aut jusculi quantitate ; Quoniam vero in passione hystERICA modò alexiteriis indigemus, dùm scilicet in crasso sanguine ita intricati spiritus , ut vix extricari possint, modò hystericis dùm scilicet irregulari motu debacchantes spiritus , convulsivos motus nunc excitant, nunc varias easque confusas producunt ideas ; modò anodinis ut sedetur violenta irritatio partibus solidis inducta indèque enati dolores & hæc omnia mirè possint adimplere Guttæ Monspelienses tùm in paroxismo , tùm extra paroxysmum , præsertim si præmissa fuerint unversalia. Jurè merito concludimus.

Ergo Passioni hystERICA Guttæ Monspelienses.

F I N I S.

Martin

Munduyt

Monnier
Munduyt

Munduyt.

Munduyt.